

Na osnovu čl. 182. stav (11) i 183. stav (4) Zakona o bankama ("Službene novine Federacije BiH", broj: 27/17), čl. 5. stav (1) tačka h) i 19. stav (1) tačka c) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj: 75/17) i člana 12. stav (1) tačka d) Statuta Agencije za bankarstvo Federacije Bosne i Hercegovine ("Službene novine Federacije BiH", broj: 03/18), Upravni odbor Agencije za bankarstvo Federacije Bosne i Hercegovine, na sjednici održanoj dana 20.06.2019. godine donosi

ODLUKU
O PODACIMA I INFORMACIJAMA KOJE SE DOSTAVLJAJU
AGENCIJI ZA BANKARSTVO FEDERACIJE BOSNE I HERCEGOVINE ZA
POTREBE IZRADE I AŽURIRANJA PLANA RESTRUKTURIRANJA BANKE I
BANKARSKE GRUPE

Član 1.

Predmet

- (1) Ovom odlukom bliže se propisuju podaci i informacije koje je banka, odnosno nadređena banka u bankarskoj grupi ili banka sa sjedištem u Federaciji BiH, koja je pod kontrolom nadređenog holdinga ili nadređenog matičnog društva (u daljem tekstu: nadređena banka) dužna da dostavlja Agenciji za bankarstvo Federacije Bosne i Hercegovine (u daljem tekstu: Agencija) za potrebe izrade i ažuriranja plana restrukturiranja banke, odnosno bankarske grupe, kao i način i rokovi za njihovo dostavljanje.
- (2) Ova odluka primjenjuje se na:
 - a) banke sa sjedištem u Federaciji Bosne i Hercegovine kojima je Agencija izdala bankarsku dozvolu i
 - b) bankarsku grupu koja je predmet kontrole Agencije na konsolidovanoj osnovi.

Član 2.

Pružanje ključnih podataka i informacija za potrebe izrade i ažuriranja plana restrukturiranja banke i bankarske grupe

- (1) Banka i, u slučaju bankarske grupe, nadređena banka, dužna je da Agenciji za potrebe izrade i ažuriranja plana restrukturiranja dostavlja podatke i informacije na sljedećim obrascima, a koji su sastavni dio Uputstva o načinu sačinjavanja izvještaja koje banke dostavljaju za potrebe izrade i ažuriranja plana restrukturiranja banke:
 - a) Z 01.00 - Organizaciona struktura (ORG);
 - b) Z 02.00 - Struktura obaveza (SOB);
 - c) Z 03.00 - Kapitalni zahtjevi (KPZ);
 - d) Z 04.00 - Međusobne finansijske veze unutar grupe (MFV-GR);
 - e) Z 05.01 - Glavne druge ugovorne strane - povjerioci (obaveze) (GUS-OB);
 - f) Z 05.02 - Glavne druge ugovorne strane - povjerioci (vanbilans) (GUS-VB);
 - g) Z 06.00 - Osiguranje depozita (OD);
 - h) ZE 07.01 - Procjena ključnih funkcija (PKF);
 - i) Z 07.02 - Raspored ključnih funkcija po bankama (KF-B);
 - j) Z 07.03 - Raspored ključnih linija poslovanja po bankama (KLP-B);
 - k) Z 07.04 - Raspored ključnih funkcija po ključnim linijama poslovanja (KF-KLP);
 - l) Z 08.00 - Ključne usluge (KU);
 - m) Z 09.00 - Usluge infrastrukture finansijskog tržišta - pružaoci i korisnici - raspored po ključnim funkcijama (UIFT);

- n) Z 10.01 - Ključni informacioni sistemi (opće informacije) (KIS) i
 - o) Z 10.02 - Raspored informacionih sistema (RIS).
- (2) Banke koje nisu dio bankarske grupe dostavljaju podatke i informacije na pojedinačnoj osnovi, osim informacija iz obrasca Z 07.02 - Raspored ključnih funkcija po bankama (KF-B).
- (3) U slučaju bankarske grupe, nadređena banka dužna je da Agenciji dostavlja podatke i informacije iz stava 1. ovog člana u skladu sa sljedećim zahtjevima:
- a) podatke i informacije navedene u obrascu Z 01.00 - Organizaciona struktura (ORG) koje se odnose na sljedeće:
 - 1) subjekte bankarske grupe koji su uključeni u njene konsolidovane finansijske izvještaje i koji imaju više od 0,5% ukupne bilansne aktive ili ukupnih obaveza bankarske grupe;
 - 2) članice bankarske grupe koje imaju više od 0,5% ukupnog iznosa izloženosti riziku ili više od 0,5% ukupnog redovnog osnovnog kapitala grupe na osnovu konsolidovanog položaja nadređene banke u Federaciji BiH;
 - b) podatke i informacije navedene u obrascima Z 02.00 - Struktura obaveza (SOB) i Z 03.00 - Kapitalni zahtjevi (KPZ);
 - 1) na nivou nadređene banke i svakog pojedinačnog subjekta bankarske grupe, na pojedinačnoj osnovi;
 - 2) na nivou bankarske grupe na konsolidovanoj osnovi;
 - c) podatke i informacije navedene u obrascu Z 04.00 - Međusobne finansijske veze unutar grupe (MFV-GR), iskazuju se sve međusobne finansijske veze pravnih lica koja su uključena u konsolidovane finansijske izvještaje;
 - d) podatke i informacije navedene u obrascu Z 05.01 - Glavne druge ugovorne strane - povjerioci (obaveze) (GUS-OB) i Z 05.02 - Glavne druge ugovorne strane - povjerioci (vanbilans) (GUS-VB):
 - 1) na nivou nadređene banke i svakog pojedinačnog subjekta bankarske grupe, na pojedinačnoj osnovi;
 - 2) na nivou bankarske grupe na konsolidovanoj osnovi;
 - e) podatke i informacije navedene u obrascu Z 06.00 - Osiguranje depozita (OD) na nivou nadređene banke na konsolidovanoj osnovi za sve banke u bankarskoj grupi;
 - f) podatke i informacije navedene u obrascu ZE 07.01 - Procjena ključnih funkcija (PKF) posebno za svaku banku članicu bankarske grupe;
 - g) podatke i informacije navedene u obrascu Z 07.02 - Raspored ključnih funkcija po bankama (KF-B), Z 07.03 - Raspored ključnih linija poslovanja po bankama (KLP-B) i Z 07.04 - Raspored ključnih funkcija po ključnim linijama poslovanja (KF-KLP) koje se odnose na ključne funkcije i ključne linije poslovanja za subjekte iz obrasca ZE 07.01 - Procjena ključnih funkcija (PKF);
 - h) podatke i informacije navedene u obrascu Z 08.00 - Ključne usluge (KU) koji se odnose na sve ključne usluge povezane sa ključnim funkcijama;
 - i) podatke i informacije navedene u obrascu Z 09.00 - Usluge infrastrukture finansijskog tržišta - pružaoci i korisnici - raspored po ključnim funkcijama (UIFT) koji se odnose na sve infrastrukture finansijskog tržišta čije bi narušavanje predstavljalo značajnu prepreku u izvršavanju bilo koje od ključnih funkcija utvrđenih u obrascu Z 07.02 - Raspored ključnih funkcija po bankama (KF-B) ili bi se njime onemogućilo izvršavanje tih funkcija;
 - j) podatke i informacije navedene u obrascima Z 10.01 - Ključni informacioni sistemi (opće informacije) (KIS) i Z 10.02 - Raspored informacionih sistema (RIS), koji se odnose na sve ključne informacione sisteme unutar grupe.
- (4) Banka, odnosno nadređena banka dužna je da podatke i informacije u obrascima iz stava

- (1) ovog člana prikaže tačno i potpuno u skladu sa propisima.
- (5) Agencija može odlučiti da se za pojedinu banku ili bankarsku grupu primjenjuju pojednostavljen način dostavljanja podataka i informacija. U tom slučaju, Agencija najkasnije do kraja kalendarske godine na koju se podaci odnose, obavještava predmetnu ili nadređenu banku koji podaci i informacije ne moraju biti uključeni u dostavljanje podataka i informacija iz stava (1) ovog člana.

Član 3.

Rokovi izvještavanja, referentni datumi i datumi za dostavu izvještaja

- (1) Banke najkasnije do 31. maja, a bankarske grupe najkasnije do 30. juna svake godine dostavljaju revidirane podatke i informacije iz člana 2. stav (1) ove odluke, koje se odnose na zadnji dan prethodne kalendarske godine.
- (2) U svrhu ažuriranja plana restrukturiranja, Agencija može odrediti ili zahtijevati od banke ili bankarske grupe da podatke i informacije iz člana 2. stav (1) ove odluke dostavlja i u drugom roku, kao i na drugi finansijski datum koji Agencija odredi naknadno u zahtjevu.

Član 4.

Pružanje dodatnih podataka i informacija za potrebe izrade i ažuriranja plana restrukturiranja banke i bankarske grupe

- (1) U slučaju da su za potrebe izrade i ažuriranja plana restrukturiranja banke i bankarske grupe potrebni dodatni podaci i informacije, Agencija može zahtijevati te podatke i informacije od banke ili nadređene banke.
- (2) Za potrebe zahtjeva u skladu sa stavom (1) ovog člana, Agencija:
- utvrđuje dodatne podatke i informacije koje se moraju dostaviti;
 - određuje, uzimajući u obzir količinu i složenost zatraženih podataka i informacija, primjeren rok u kome banka, odnosno nadređena banka, dostavlja Agenciji te podatke i informacije;
 - određuje format koji banke ili, odnosno nadređene banke, trebaju koristiti za dostavljanje podataka i informacija Agenciji;
 - određuje da li je potrebno da se ti podaci i informacije dostavljaju na nivou pojedinačne banke, bankarske grupe ili određenog zavisnog društva.

Član 5.

Elektronska dostava podataka i informacija

Oblik i način elektronske dostave podataka i informacija iz ove odluke utvrđuje Agencija.

Član 6.

Prijelazne i završene odredbe

- (1) Direktor Agencije će u roku od 30 (trideset) dana od dana stupanja na snagu ove odluke donijeti Uputstvo iz člana 2. stav (1) ove odluke, kojim će se propisati način popunjavanja obrazaca i forma izvještajnih obrazaca.
- (2) Za kalendarsku godinu koja završava na datum 31.12.2018. godine, datum za dostavljanje izvještaja iz člana 3. ove odluke je do 31.07.2019. godine.
- (3) Danom stupanja na snagu ove odluke prestaje da važi Odluka o podacima i informacijama koje banka dostavlja Agenciji za bankarstvo Federacije Bosne i Hercegovine za potrebe izrade i ažuriranja plana restrukturiranja banke („Službene novine Federacije BiH”, broj: 26/18).

Član 7.

Stupanje na snagu

Ova odluka stupa na snagu osmog dana od dana objavljivanja u „Službenim novinama Federacije BiH”.

Broj: U.O.-34-5/19
Sarajevo, 20.06.2019. godine

PREDSJEDNICA
UPRAVNOG ODBORA

mr. sc. Ljerka Marić, dipl. ecc., s.r.